



Félagsmálaskóli
alþýðu

NÁMSFRAMBOÐ

HAUST 2010

ÞEKKING Í ÞÁGU LAUNAFÓLKS



● Fjármál heimilanna og réttindi fólks á lánamarkaði

Á námskeiðinu verður farið yfir helstu hugtök sem fljóta stöðugt um samfélagið hvað varðar fjármálaheiminn, s.s. vexti, vísitölur og áhrif þeirra. Þá verður farið yfir ýmsar tegundir lána, kosti þeirra og galla s.s. verðtryggð, óverðtryggð og gengisbundin lán og þau úrræði sem aðilar geta nýtt sér til að fá yfirsýn yfir fjármál sín.

Fjallað verður um réttindi fólks á lánamarkaði, m.a. lög um neytendalán og almenn neytendasjónarmið í lánasamningum. Yfirlit verður gefið yfir gildandi greiðsluerfiðleikaúrræði og farið sérstaklega yfir nýlega dóma Hæstaréttar og Héraðsdóms Reykjavíkur um gengistryggingu lána.

Námskeiðið er byggt upp sem sambland af fyrirlestrum og umræðum þar sem kappkostað er að nota raunhæf dæmi úr daglega lífinu og virkja alla þátttakendur.

Markmið námskeiðsins er að þátttakendur öðlist þekkingu á helstu hugtökum fjármálaheimsins og meginreglum um réttindi fólks á lánamarkaði.

Leiðbeinendur: *Henny Hinz og Dalla Ólafsdóttir*

Dags.: *22. september – kl. 09:00–16:00*

Staður: *Sætúni 1, 4. hæð*

Fyrir hverja: *Trúnaðarmenn, talsmenn og aðra sem félögin vilja senda*



● ESB – hvað er það?

Uppbygging og rætur ESB verða kynntar ásamt stofnunum ESB og þróun þeirra. Farið verður í þróun atvinnulífs og stjórnmála í Evrópu, breytt valdahlutföll innan ESB, ríkjasamstarf og yfirþjóðlegt vald. Þá verður fjallað um sameiginlega innri markaði, evruna, stækkun ESB og deilurnar um framtíðarskipan ESB. Kostir og gallar aðildar að ESB fyrir íslenskt atvinnulíf og tenging Íslands við Evrópusamruna.

Leiðbeinandi: *Högni Kristjánsson*

Dags.: *29. september – kl. 09:00–12:00*

Staður: *Sætúni 1, 4. hæð*

Fyrir hverja: *Trúnaðarmenn, talsmenn og aðra sem félögin vilja senda*

● Ræðumennska og framkoma

Þátttakendur öðlist færni í að flytja ræðu fyrir hóp af fólki. Farið verður í grunnatriði varðandi uppbyggingu og flutning ræðu, framkomu ræðumanns, ótta og sviðsskrekki og sjálfstyrkjandi hugsanir. Einnig verða skoðaðir þættir sem skipta máli í umræðum og samspil ræðumanns og umhverfis. Uppbygging ræðu, markmið og úrvinnsla efnis verður rætt og prófað. Þátttakendur halda ræður og fá endurgjöf á flutning sinn frá þjálfara og öðrum þátttakendum.

Leiðbeinandi: *Kristín Á. Ólafsdóttir*

Dags.: *12. október – kl. 09:00–16:00*

Staður: *Sætúni 1, 4. hæð*

Fyrir hverja: *Trúnaðarmenn, talsmenn og aðra sem félögin vilja senda*

● Samningatækni

Starfsmenn eru hartnær daglega í aðstæðum þar sem grundvallarþekking og þjálfun í samningatækni kemur að góðum notum. Ákvarðanir á vinnustað eru í ríkari mæli teknar sameiginlega og forystumenn verkalyðsfélaga, talsmenn starfsmanna og starfsmenn sjálfir eru oft í aðstæðum þar sem þeir þurfa að semja fyrir skjólstæðinga sína eða sjálfa sig – oft undir erfiðum kringumstæðum þar sem átök virðast óumflýjanleg. Á námskeiðinu verður farið yfir ferli samningaviðræðna frá undirbúningi til loka samningaferilsins, lausn deilumála, mikilvægi heiðarlegra vinnubragða og hvernig finna má leiðir til þess að ná árangri fljótt og komast hjá átökum sem skaða báða aðila.

Á námskeiðinu verður fjallað um helstu þætti samninga þar sem þátttakendur taka þátt í verklegum æfingum í gerð samninga. Meðal annars er fjallað um samningsstöðu, forgangsröðun, tilboðsgerð og svigrúm í samningum. Einnig helstu hugtök, bakland, viðræðunefndir og hlutverk innan samninganefndar.

Hluti af námskeiðinu fjallar um markmiðssetningar og hvernig þær auðvelda samningsferlið.

Markmiðið er að þjálfra einstaklinga í gerð samninga, þjálfra nemendur í að koma sínum skoðunum á framfæri, hlusta á það sem aðrir hafa fram að færa, taka ákvarðanir sem hópur en ekki einstaklingar og virða niðurstöðu hópsins.

Leiðbeinandi: *Haukur Harðarson*

Dags.: *20. október – kl. 09:00–16:00*

Staður: *Sætúni 1, 4. hæð*

Fyrir hverja: *Trúnaðarmenn, talsmenn og aðra sem félögin vilja senda*

● Siðferði

Viðskiptalífið leikur sífellt stærra hlutverk í samfélagi okkar. Sumir halda því fram að viðskipti og siðferði eigi litla samleið. Aðrir telja mikilvægt að þeir sem stundi viðskipti séu meðvitaðir um siðferðileg álitamál og í raun sé ekki hægt að reka farsæl viðskipti til langs tíma án góðs siðferðis. Samtíminn felur í sér mikla áskorun og samfélagsleg krafa er nú um bætt vinnubrögð. Endurskoðun á hugarfari sem og verkferlum er nauðsynleg og fyrirtækjamenning og starfsaðferðir munu breytast í kjölfar uppgjörs við fortíðina.

Meðal efnisatriða sem tekin verða fyrir á námskeiðinu eru:


- merking siðferðilegra hugtaka
- samfélagsleg ábyrgð fyrirtækja
- fagmennska, traust og siðareglur fagstétta
- gagnrýnin hugsun

Leiðbeinandi: *Guðrún Árnadóttir*

Dags.: *3. nóvember – kl. 09:00–12:00*

Staður: *Sætúni 1, 4. hæð*

Fyrir hverja: *Trúnaðarmenn, talsmenn og aðra sem félögin vilja senda*



● Réttur til atvinnuleysisbóta og vinnumarkaðsaðgerðir

Á námskeiðinu verður leitast við að gefa yfirsýn yfir þann hugmyndagrunn sem lög um upplýsingaskyldu og samráð í fyrirtækjum, hópuppsagnir, atvinnuleysistryggingar, aðilaskipti að fyrirtækjum og gjaldþrot byggja á og framkvæmd laganna.

Leitað verður svara við spurningunum:

- Hver er hugmyndagrundvöllur laganna um upplýsingaskyldu og samráð í fyrirtækjum – hvað á að upplýsa og hvern?
- Er þetta upplýsingarskyldu ákvæði virkt og hvernig virkar það?
- Hvernig eru hópuppsagnir framkvæmdar?
- Er einhverjum aðilum hlífð í hópuppsögnum?
- Hver er réttarstaða starfsmanna verði aðilaskipti að fyrirtækjum?
- Rofnar réttarsamband launþega og atvinnurekanda við aðilaskipti?
- Njóta einhverjir uppsagnarverndar – ef svo er hverjir þá og er það algilt?
- Hvernig á að skrá sig atvinnulausan og hvenær?
- Hverjir eiga rétt á atvinnuleysisbótum?
- Hver er lengd bótatímabils?
- Hvaða reglur gilda um atvinnuleysisbætur og atvinnuleit erlendis?
- Hvernig eru atvinnuleysisbætur reiknaðar út?
- Hvernig reiknast hlutabætur á móti skertu starfshlutfalli?
- Hvað þýðir virk atvinnuleit?
- Hverjir lenda á biðtíma eftir atvinnuleysisbótum?
- Hvaða reglur gilda um vinnumarkaðsúrræði?
- Hvað reglur gilda um nám samhliða greiðslu atvinnuleysisbóta? Hvaða ferli fer af stað við gjaldþrot fyrirtækja?
- Hver er réttarstaða launamanns við gjaldþrot?

Markmið námskeiðsins er að veita svör við algengum spurningum og álitaefnum sem koma upp hvað varðar rétt einstaklinga við rekstrarerfiðleika fyrirtækja, skert starfshlutfall, rétt til atvinnuleysisbóta og útreikning þeirra. Að námskeiðinu loknu eiga nemendur að þekkja þann hugmyndagrunn sem löggjöfin byggir á og helstu atriði varðandi framkvæmd laganna og hvaða breytingar hafa verið gerðar á þeim.

Leiðbeinendur: *Halldór Grönvold og sérfræðingur frá Vinnumálastofnun*
Dags.: *15. nóvember – kl. 09:00–12:30*
Staður: *Sætúni 1, 4. hæð*
Fyrir hverja: *Trúnaðarmenn, talsmenn og aðra sem félögin vilja senda*

● Geðrækt 101 – ráð til að viðhalda geðheilsu og lifa í sátt

Velliðan okkar byggir á því að hugsa vel um líkama og sál. Að rækta geðið helst í hendur við ræktun líkamans. Geðrækt er ungt hugtak sem leitast við að gera fólk meðvitað um mikilvægi eigin hugsunar og aðra áhrifaþætti geðheilbrigðis. Saga hugtaksins geðræktar er skoðuð og hvernig geðrækt getur aukið meðvitund okkar um eigin geðheilsu og hjálpað okkur að lifa í sátt og jafnvægi.

Námskeiðið verður byggt upp á erindum, verklegum æfingum og umræðum þar sem tvinnuð verður saman fræðslu og skemmtun.

Leiðbeinendur: *Héðinn Unnsteinsson og Elín Ebba Ásmundsdóttir*

Dags.: *25. nóvember – kl. 09:00–12:00*

Staður: *Sætúni 1, 4. hæð*

Fyrir hverja: *Trúnaðarmenn, talsmenn og aðra sem félögin vilja senda*



Á hverri önn eru sérhæfð námskeið í boði fyrir alla talsmenn stéttarféлага. Á þeim er lögð áhersla á hefðbundna félagslega fræðslu. Jafnframt er boðið upp á námskeið sem taka á málefnum sem eru í brennidepli hverju sinni. Stéttarfélög geta pantað námskeið til að móta starf og stefnu og styrkja talsmenn sína.

Útgáfa fræðslu- og námsefnis er mikilvægur hluti af starfi skólans. Námsefni er bæði gefið út á prenti og rafrænu formi. Skólinn heldur úti gagnvirku vefnámi sem er aðgengilegt á internetinu.



Félagsmálaskóli
alþýðu

Nánari upplýsingar:

Félagsmálaskóli alþýðu, Sætúni 1, 105 Reykjavík
sími 53 55 600 eða www.felagsmalaskoli.is